



სსიპ შოთა მესხიას ზუგდიდის სახელმწიფო უნივერსიტეტი

დამტკიცებულია შოთა მესხიას ზუგდიდის სახელმწიფო სასწავლო უნივერსიტეტის აკადემიური საბჭოს # 34 დადგენილებით „ 11 “ „ ივნისი “ 2020 წელი

დამტკიცებულია ცვლილებებით შოთა მესხიას ზუგდიდის სახელმწიფო სასწავლო უნივერსიტეტის აკადემიური საბჭოს #73 დადგენილებით „ 29 “ „ დეკემბერი “ 2023 წელი,

დამტკიცებულია ცვლილებებით შოთა მესხიას ზუგდიდის სახელმწიფო უნივერსიტეტის აკადემიური საბჭოს #42 დადგენილებით „ 2 “ „ სექტემბერი “ 2025 წელი

პროფესიული საგანმანათლებლო პროგრამა:

ბიბლიოთეკარი

0322

პროგრამის ხელმძღვანელი: ირინა ნეჩაევა

საკონტაქტო ინფორმაცია:
მისამართი: სენაკი, მშვიდობის ქ, N 192
ტელეფონი: 0 415 25 62 17
ვებ გვერდი : zssu.ge

ზუგდიდი
2025 წელი



1. პროფესიული საგანმანათლებლო პროგრამის სახელწოდება ქართულ ენაზე და ინგლისურ ენაზე - ბიბლიოთეკარი/Librarian
2. ჩარჩო დოკუმენტის სარეგისტრაციო ნომერი, რომლის საფუძველზე შემუშავდა პროფესიული საგანმანათლებლო პროგრამა:
- 03202-3
3. მისანიჭებელი კვალიფიკაცია ქართულ და ინგლისურ ენაზე - საშუალო პროფესიული კვალიფიკაცია საბიბლიოთეკო საქმეში / Secondary Vocational Qualification in Library Work

აღნიშნული კვალიფიკაცია განათლების საერთაშორისო კლასიფიკატორის ISCED-ის მიხედვით განეკუთვნება დეტალურ სფეროს - საბიბლიოთეკო, საარქივო კვლევები და ინფორმაციის მართვა, კოდი - 0322. აღმწერი - „შეისწავლის ინფორმაციული კოლექციების შერჩევის, შექმნის, ორგანიზებისა და შენახვის მეთოდებს და ხელს უწყობს ინფორმაციის გამოყენებას. მათ შორის მოიცავს მუზეუმისა და ბიბლიოთეკების შესწავლას.“

4. მიზანი

პროფესიული საგანმანათლებლო პროგრამის მიზანია შესაძლებლობა მისცეს კურსდამთავრებულს მიიღოს ფართო განათლება და ძირითადი ცოდნა საბიბლიოთეკო სფეროში; აგრეთვე, განუვითაროს ის აუცილებელი უნარები და კომპეტენციები, რომლებიც საჭიროა როგორც შრომის ბაზარზე გასასვლელად, ასევე სწავლის გასაგრძელებლად, როგორც ფორმალურ, ისე, არაფორმალურ საგანმანათლებლო სისტემებში.

5. დაშვების წინაპირობა:

სრული ზოგადი განათლება

6. დასაქმების სფერო და შესაძლებლობები

ბიბლიოთეკარის საშუალო პროფესიული კვალიფიკაციის მფლობელს შეუძლია დასაქმდეს როგორც საჯარო, ისე კერძო სექტორის ბიბლიოთეკებში, ქალაქის, სოფლის, საგანმანათლებლო დაწესებულებებისა და სხვადასხვა ტიპის ორგანიზაციების ბიბლიოთეკაში.

- ეკონომიკური საქმიანობების სახეების ეროვნული კლასიფიკატორის კოდები: 71.1; 71.11; 71.11.0
- დასაქმების საერთაშორისო კლასიფიკატორის (ISCO) კოდი: 2621; 262

7. მოდულების, ქართული ენა A2 და ქართული ენა B1 გავლა სავალდებულოა მხოლოდ იმ პროფესიული სტუდენტებისთვის, რომლებმაც პროფესიულ საგანმანათლებლო პროგრამაზე სწავლის უფლება მოიპოვეს „პროფესიული ტესტირების ჩატარების დებულების დამტკიცების თაობაზე“ საქართველოს განათლებისა და მეცნიერების მინისტრის 2013 წლის 27 სექტემბრის ბრძანება N^o152/ნ ბრძანებით დამტკიცებული დებულების მე-4 მუხლის მე-2 პუნქტით გათვალისწინებულ რუსულ, აზერბაიჯანულ ან სომხურ ენაზე ტესტირების გზით. აღნიშნული პირებისათვის პროფესიულ საგანმანათლებლო პროგრამაზე სწავლება იწყება ქართული ენის მოდულებით.

8. სტრუქტურა და მოდულები

- ა) საგანმანათლებლო პროგრამა "ბიბლიოთეკარი" ითვალისწინებს 90 კრედიტს და მოიცავს:

- ✓ ზოგად მოდულებს - 15 კრედიტი;
- ✓ პროფესიულ მოდულებს - 71 კრედიტი;
- ✓ არჩევით მოდულს -4 კრედიტი

ზოგადი მოდულები		
№	მოდულის დასახელება	კრედიტი
1.1	ინტერპერსონალური კომუნიკაცია	3
1.2	რაოდენობრივი წიგნიერება	2
1.3	ინფორმაციული წიგნიერება 1	3
1.4	მეწარმეობა 2	2
1.5	ინგლისური ენა	5
	ჯამი	15
პროფესიული მოდულები		
№	მოდულის დასახელება	კრედიტი
1.6	გაცნობითი პრაქტიკა - ბიბლიოთეკარი	2
1.7	საწარმოო პრაქტიკა - ბიბლიოთეკარი	12
1.8	პრაქტიკული პროექტი ბიბლიოთეკარისთვის - საბიბლიოთეკო მომსახურება და საბიბლიოთეკო კულტურულ-საგანმანათლებლო ღონისძიებები	6
1.9	საბიბლიოთეკო სივრცის ორგანიზება	3
1.10	ფონდის დაკომპლექტება	5
1.11	ფონდის მართვა	10
1.12	ფონდის დაცვა	7
1.13	საცნობარო-საინფორმაციო მუშაობა	10
1.14	საბიბლიოთეკო მომსახურება	8
1.15	კულტურულ-საგანმანათლებლო ღონისძიებები	8
	ჯამი	71
არჩევითი მოდული		
№	მოდულის დასახელება	კრედიტი
1.16	რუსული ენა	4
	ჯამი	4
	სულ ჯამი	90

- ქართულენოვანი პროფესიული სტუდენტებისთვის -90 კრედიტი -
- არაქართულენოვანი პროფესიული სტუდენტებისთვის- 120 კრედიტი-
(ქართული ენა A1-15 კრედიტი, ქართული ენა B1-15 კრედიტი)

9. მისანიჭებელი კვალიფიკაციის შესაბამისი სწავლის შედეგები

კურსდამთავრებულს შეუძლია:

1. ბიბლიოთეკის სივრცის ორგანიზება
2. ფონდის დაკომპლექტება
3. ფონდის მართვა
4. ფონდის დაცვა
5. საცნობარო-საინფორმაციო მუშაობა
6. საბიბლიოთეკო მომსახურება
7. კულტურულ-საგანმანათლებლო ღონისძიებების ჩატარება

10. პროფესიული საგანმანათლებლო პროგრამის შემუშავება

პროფესიული საგანმანათლებლო პროგრამა "ბიბლიოთეკარი" ხორციელდება მოდულური მიდგომით სსიპ შოთა მესხიას ზუგდიდის სახელმწიფო უნივერსიტეტის სენაკის ბაზაზე.

- ✓ პროფესიული საგანმანათლებლო პროგრამის ხანგრძლივობაა- 15.5 სასწავლო თვე (62 სასწავლო კვირა);
- ✓ განხორციელების ადგილი-- სენაკი, მშვიდობის ქ, N 192

11. სწავლის შედეგების მიღწევის დადასტურება და კრედიტის მინიჭება

სწავლის შედეგების დადასტურება ხორციელდება კანონმდებლობით დადგენილი წესის შესაბამისად.

პროფესიულ სტუდენტს კრედიტი მიენიჭება სწავლის შედეგის მიღწევის დადასტურების საფუძველზე.

სწავლის შედეგის მიღწევის დადასტურება შესაძლებელია:

- ა) წინმსწრები ფორმალური განათლების ფარგლებში მიღწეული სწავლის შედეგების აღიარებით;

- ბ) არაფორმალური განათლების გზით მიღწეული სწავლის შედეგების აღიარება საქართველოს კანონმდებლობით დადგენილი წესით;
- გ) სწავლის შედეგების დადასტურება შეფასების გზით.

არსებობს განმავითარებელი და განმსაზღვრელი შეფასება:

- ✓ განმავითარებელი შეფასება შესაძლოა განხორციელდეს როგორც ქულების, ასევე ჩათვლის პრინციპების გამოყენებით.
- ✓ განმსაზღვრელი შეფასება ითვალისწინებს მხოლოდ ჩათვლის პრინციპებზე დაფუძნებული (კომპეტენციების დადასტურებაზე დაფუძნებული) სისტემის გამოყენებას და უშვებს შემდეგი ორი ტიპის შეფასებას:
 - ა) სწავლის შედეგი დადასტურდა;
 - ბ) სწავლის შედეგი ვერ დადასტურდა.

განმსაზღვრელი შეფასებისას უარყოფითი შედეგის მიღების შემთხვევაში პროფესიულ სტუდენტს უფლება აქვს პროგრამის დასრულებამდე მოითხოვოს სწავლის შედეგების მიღწევის დამატებითი შეფასება. შეფასების მეთოდი/მეთოდები მოცემულია პროფესიული საგანმანათლებლო პროგრამის მოდულებში.

პროფესიული საგანმანათლებლო პროგრამა მოდულების, სწავლის შედეგებისა და თემატიკის კომპონენტებში ითვალისწინებს რვა საკვანძო კომპეტენციის განვითარებას (*მშობლიურ ენაზე კომუნიკაცია; უცხო ენაზე კომუნიკაცია; მათემატიკური კომპეტენცია; ციფრული კომპეტენცია; დამოუკიდებლად სწავლის უნარი; პიროვნებათმორისი, კულტურათათმორისი, სოციალური და მოქალაქეობრივი კომპეტენციები; მეწარმეობა და კულტურული გამომხატველობა*), რომლებიც მნიშვნელოვანია პროფესიონალი და კონკურენტუნარიანი კადრის აღზრდისთვის. რვა საკვანძო კომპეტენციიდან ერთ-ერთი - მშობლიური/პროფესიული საგანმანათლებლო პროგრამის სწავლების ძირითადი ენის განვითარების მიზნით, პროფესიული განათლების მასწავლებლების მიერ, მათი კომპეტენციის ფარგლებში სწავლება-სწავლის პროცესში ფასდება ზეპირი და წერილობითი კომუნიკაციის უნარი, კერძოდ, მართლწერისა და მართლმეტყველების წესების დაცვა, შემდეგი კომპეტენციების ფარგლების გათვალისწინებით:

მართლმეტყველება

- საუბრის/პრეზენტაციის დროის ლიმიტის დაცვა;
- სათანადო პროფესიული ლექსიკის გამოყენება;
- მოსაზრების ჩამოყალიბება გასაგებად, ნათლად და თანამიმდევრულად;
- ადეკვატური მაგალითებისა და არგუმენტების მოყვანა;
- ზეპირი მსჯელობისთვის დამახასიათებელი არავერბალური საშუალებების ადეკვატურად გამოყენება (მაგ., შესტიკულაცია, ინტერვალი საუბარში, ხმის ტემპის ცვალებადობა).

მართლწერა

- საკავშირებელი სიტყვების სწორად გამოყენება;
- ძირითადი სასვენი ნიშნების (წერტილი, კითხვისა და ძახილის ნიშნები) სწორად გამოყენება;
- პროფესიული ლექსიკის სათანადოდ გამოყენება;
- წერისას ტიპობრივი სტილისტური ხარვეზების აღმოფხვრა;
- არ უნდა იქნეს გამოყენებული ენისთვის არაბუნებრივი შესიტყვებები და ლექსიკა - ბარბარიზმები, ჟარგონები;
- ინფორმაციის გადმოცემა თანამიმდევრულად, გასაგებად, შესასრულებელი აქტივობის შესაბამისად.

12. პროფესიული კვალიფიკაციის მინიჭება

პროფესიულ კვალიფიკაციას ანიჭებს შოთა მესხიას ზუგდიდის სახელმწიფო უნივერსიტეტი, რაზეც რექტორი გამოსცემს ინდივიდუალურ ადმინისტრაციულ-სამართლებრივ აქტს. პროფესიული კვალიფიკაციის მოსაპოვებლად სტუდენტმა უნდა დააგროვოს პროფესიულ საგანმანათლებლო პროგრამაში განსაზღვრული მოდულებით გათვალისწინებული კრედიტები.

✓ პროფესიულმა სტუდენტმა კვალიფიკაციის მისანიჭებლად ჯამურად უნდა დააგროვოს **90 კრედიტი**.

13. სპეციალური საგანმანათლებლო საჭიროების (სსსმ) და შეზღუდული შესაძლებლობების მქონე (შშმ) პროფესიული სტუდენტების სწავლებისათვის

შეზღუდული შესაძლებლობისა და სპეციალური საგანმანათლებლო საჭიროების მქონე პირთა პროფესიულ საგანმანათლებლო პროგრამაში ჩართულობის უზრუნველყოფის მიზნით ასეთი პირები მოდულებზე დაიშვებიან მოდულის წინაპირობის/წინაპირობების დაძლევის გარეშე.

პროფესიული საგანმანათლებლო პროგრამით განსაზღვრული კრედიტები პირს ენიჭება მხოლოდ შესაბამისი სწავლის შედეგების დადასტურების შემთხვევაში, ხოლო კვალიფიკაცია - მე-12 პუნქტით გათვალისწინებული წესით.

14. პროფესიული საგანმანათლებლო პროგრამის შემუშავების სამართლებრივი საფუძვლები

1. განათლების ხარისხის განვითარების ეროვნული ცენტრის 2020 წლის 31 მარტის №323524 ბრძანებით დამტკიცებული პროფესიული საგანმანათლებლო პროგრამის ჩარჩო დოკუმენტი „საბიბლიოთეკო საქმე“, რომელშიც ცვლილება შევიდა 2020 წლის 24 აპრილის № 346994 ბრძანებით.

2. საქართველოს განათლების, მეცნიერების, კულტურისა და სპორტის მინისტრის 2019 წლის 19 აგვისტოს №170/ნ ბრძანება „საშუალო პროფესიულ საგანმანათლებლო პროგრამაში ზოგადი განათლების საშუალო საფეხურის სწავლის შედეგების ინტეგრირების წესისა და პირობების დამტკიცების შესახებ“.

15. პროგრამის განხორციელების ფორმა - კოოპერაციული

დანართი 1- მოდულები

დანართი 2-სასწავლო გეგმა

დანართი 3 - მატერიალური რესურსი

დანართი 4- ადამიანური რესურსი